



05673

山人詩集



延綠齋藏



曩余陳臬吳中摒擋公事之暇友朋聚首交篤古歡
一時名流如蔣心餘平確齋王夢樓及顧星橋陳月
泉岑雲泉輩皆下榻於署之琴月山房文酒流連爲
樂無量而雲泉夙擅經濟助予不逮尤能以詩賦自
豪時出篇章莫不共相傾倒與予訂莫逆交間及家
世知爲元代高士栲栳山人後裔也且伯氏丙辰省
元春江先生及尊人春山先生俱以文行著名傳葩
接萼士林艷稱而雲泉實能以山人之學爲學予固
栲栳山人詩集

胡序

一

必其將以山人之才榮世也會予奉

命內擢雲泉仍留栢署未幾而以謝世聞風流雲散
往事難尋鶴去鸞歸知音不再嘗憶胥江話別兩兩
纏綿雲泉寫詩贈行有別淚半生惟此日歡顏重挹
屬何時之句一徃深情竟成詩讖其爲悵惘當復何
如旋知長嗣君鏡西仍遊吳下能世其學且以予爲
父執至好常致音問伯牙之痛於焉稍慰今春鏡西
遠示一編卽栲栳山人詩集也得之錫山許氏藏書

樓校訂完善將以付梓予惟山人生當元代屢徵不起
遯跡山林賦詩見志同時危素宋濂諸賢交相推

重卽閱數百載後如秀野草堂元詩選及梨洲老人
姚江逸詩皆競爲採錄是山人生前以布衣終不可
謂非坎壈抑鬱之甚今者流芳未泯其知有山人名
亦顯晦之大數也惟全集久失流傳談詩家每爲惋
惜卽雲泉在日因訪求不得與予道及悵恨不已今
鏡西於無意中獲之豈非張華所謂神物必當終合

栲栳山人詩集

胡序

二

者歟予徃復此編得窺悉夫山人之蘊且知山人隱
德之後代有聞人如雲泉者抱負清才鬱鬱以沒此
古今來文士之阨摧柯毀璧徃徃而然所幸後賢繼
起好古讀書編禮門風張於軾轍鏡西之獲是編而
刊行之旣表揚先烈亦慰答重泉誠爲不可緩之舉
茲徵序於予予與岑氏兩世雅好自不能已於言更
冀鏡西昆季輩刻自奮勵早歌鹿鳴俾予曩日與故
人流連於山房琴月間繼得見故人之子於春明門

外重話前因則予之所慰更何如也時乾隆己酉春
三月中州胡季堂序

榜棧山人詩集

胡序

先考峯公詩見之黃梨洲所選姚江逸詩及顧俠
君秀野草堂元詩選俱登數十首兩先生爲謨小
傳有典籍散佚之慨又閱浙省採訪遺書總目載
考栳山人詩集四卷先夫人晤邵二雲太史云已
採入四庫全書惜原刻流傳絕少振幕游錫山於
許氏藏書樓獲見遺詩抄本當向借錄計古今體
一百七十餘首不分卷數諒非原刻且有宋景濂
先生序言不可復覩時懷耿耿振慮篋笥相隨易

考栳山人詩集

附錄

一

公諱安卿字靜能餘姚人自號考栳山人以所居近
栳栳峰也與李著作季和危學士太樸相善嘗作三
哀詩弔宋遺民之在里中者寄託深遠有俯仰今昔
之思焉岑氏昆季多以科名顯者而靜能獨淪落不
偶其簡王子英詩云平生耕稼心愧此老病軀又云
老成媿苟得童穉羞無官又會資敬菴詩云我窮不
出門頗覺天地窄何其坎壈抑鬱之甚也兵火之餘
典籍散佚而今日尙知有靜能者豈非顯晦亦各有

數耶

右載 本朝蕪州顧嗣立元詩選

又贊

論直而不踈行方而不迂肆志於寂寞之濱縮武於形勢之途瞻其貌知其澗飲而清木茹而癯窺其所蘊蓋可以尊主而庇民食肉飲酒者之所不如天之生斯人必有其故胡爲乎舉不就辟不起白首而布衣浮沉於閭里吾不知造物者果何所主乎吁

栲栳山人詩集

贊

二

右明史官本邑宋元僖譔

又贊

本城蘇氏隱士元詩選

行狀

先生諱安卿字靜能其先洛之南陽人宋民部尙書景佺公扈從思陵因家明州之車廡里先生之八世祖也尙書之孫肅遷今餘姚之上林鄉自是世爲餘姚人高祖惠宋武公郎曾祖斌不仕祖佺宋端平甲午貢士復中詞學科授秘書省校書郎父珥大僊居縣教諭母陳氏先生自少寡言笑愼嬉遊而習於禮容校書公曰此孫他日所就必異惜不及見之十歲

栲栳山人詩集

行狀

一

始就學授以毛詩句求其解師輒爲困十三四卽能誦四書六經而問通其義矣復欲徧讀子史教諭公曰聖人之道具在經典當務玩索力行不宜博觀強記誇多喪志先生聞之惕然有覺時受學進士厲公無咎誨以聖賢之道則樂習惟厭聞科舉之業厲公愛畏之而不名仲父經歷公應龍以慈水黃巖菴得文潔公家學延之甥館令卒業焉先生之學崇大節務躬行不屑屑於章句其議論古今是非成敗非迂

儒口譚者可及爲文宏中肆外足以信今而傳後少年所著居敬集義修身理家等箴皆傳播遐邇或謂先生之才識文學可立取科甲勸之應舉乃曰以吾一日之藝而決終身之出處吾茲不爲及其兄弟良卿士貴二公並登進士或又勸之則又曰我讀書非爲決科計勸者乃止時聲名已籍甚州若路促令就試皆固辭乃隱居樂道教誨其子弟敦本抑末鄉閭化之四方名士一時聞風群集士大夫之仕茲土與

栲栳山人詩集

行狀

二

遊過焉者皆求見請益然先生性故夷曠不喜與勢位者接遇欲隱處僻地其所居東南最高之處曰栲栳峯先生時陟其巔坐覽萬物歌詩爲樂因自號曰栲栳山人築室其下以居知州汪公惟正題曰栲栳書院請納四方俊髦而教授之先生曰吾隱居自樂豈開門墻耶力辭之江浙宣政院判李公元卿乃改栲書院爲精舍先生雖處僻遠聞者又皆循跡而至求教於先生至治癸亥下詔求賢當道薦先生學醇

行潔以下外艱辭明年知州脫脫公復薦再詔又辭
服闋復與其徒十餘輩往居于精舍至元甲戌夏海
溢隄壞自上林至蘭風數十里之民皆爲魚鱉宣
命州判官葉公恒治之葉公過先生問計蓋欲循前
朝故事置田課稅而徐圖之先生曰何患急而計緩
耶果然則民日以擾財日以耗隄終不可成而他變
且作莫若暨州計畝出粟仍請免民他科以悉力是
役盡建石堤則功永安民不煩而集葉然其計先生

栲栳山人詩集

行狀

三

又助粟一千有奇請免計上林田畝曰此以贖吾鄉
鄰之急葉復請先生量事期計財用慎任使總出納
先生循堤董役事竣而民不知勞民之歌曰姚民半
魚葉侯作堤葉侯作堤岑公實尸作堤之明年葉侯
例當爲民均徭初宣閩令勿以他政煩葉判官州以
先生請代越守宋公文瓚乃下書曰先生負諸葛之
望而繼子陵之風力辭上徵甘心肥遯乃者聞不忍
姚民墊溺之患薄試平生經濟之才與葉判官戮力

同心作堤禦患功在生民德垂千古茲當本州更定
戶口之差不欲判官停罷海堤之役敢煩先生屈就
公署編次差徭則役必均平堤可歲事先生辭非其
任固強之乃至福昌寺定役親故無敢請謁書計無
敢欺隱籍定而布諸民民之稱平者塞衢徧野願得
先生歲歲爲民定之而莫可得也先生之鄉故有鹽
鐵廟有巫倚像稱道禍福需索錢食不與則詛之多
驗民見之輒逃匿若避虎狼重爲民患先生曰神以

栲栳山人詩集

行狀

四

福民不聞厲民厲民者無法遂入廟而毀其像復呼
巫而責之曰巫爲人求福不聞以禍禍民禍民者當
殺今姑貸汝汝其速行行不一舍而死其至誠感神
類如此至是先生年彌高德彌劭至元至正之間江
浙行省與州郡守臣刑部尙書宋公文瓚翰林院直
學士王公沂編修葉公恒又皆交章論薦朝議置先
生於館閣以年逾六十不勝供奉之任辭不受命日
與處士數輩放情山水爲歌詩以自樂然不欲以此

求人知間爲詩文輒棄其稿嘗曰韓明善楊元度楊廉夫輩皆好以詩文名世我獨不能也先生生至元丙戌十一月五日卒至正乙未六月十四日親友皆先數月而別將卒屬其子若孫曰無以我死爲恨但勿忘孝弟勤儉之教勿爲邀福倖免之事順天命守先業我今得病而死死固其所幸耳又曰墓木蓋覆先骨將迷翳山谷計其儘可數十萬緡子孫雖貧慎毋鬻此而喪所生言旣而絕遠近聞者皆以山頽木

栲栳山人詩集

行狀

五

壤爲痛邑人趙謙等乃按謚法清白守節曰貞行義悅民曰元先生實兼之因私謚曰貞元先生配胡氏志節婉美於先生子男四人文佳文達文饒文匡皆恭儉守業孫男九人先生醇于學完于行廉靜貞介而薄於榮利故天子不得而臣之諸侯不得而友之所謂儒者之高蹈聖世之遺民非歟宜有傳列在史冊謹次其生平大概以俟采擇云同邑王至狀

栲栳山人小像



栲栳山人詩集

像

譽則憂毀則修若
沉若浮其心休休
寵不榮辱不驚天
道昭昭斯為靜能
山人自題

栲栳山人詩集

元餘姚岑安卿靜能著

五言古詩

古意四首

亭亭千歲松起自一寸植苟無斤斧患壽可比金石
青青園中草一雨迴故色清霜忽飄零彫悴在傾刻

又

寶刀不斷水綫溜可穿石君看城門軌要非兩馬力

栲栳山人詩集

一

爲學不苦心虛談政何益偉哉大禹功猶思寸陰惜

又

濬仲執牙箕武子蓄金埒積鏹不能施名穢身亦滅
富貴何足云道義自可悅偃蹇彭澤腰不爲五斗折

又

江河東入海天漢恒西流感此不息機宴安匪良謀

農夫務耘植爲學與義求青春厭老大還可回旋否

偶讀戴帥初先生壽陳太博用東坡無官一身

輕有子萬事足詩二句爲韻有感依韻以續其
後且寓世態下劣自己不過之意云尔

飯至卽舉筋不問米有無寒風催短褐誰能忍須臾
平生耕稼心愧此老病軀掩卷空太息相對慚妻孥

又

貪夫富且壽吉士飢復寒什襲寶燕石白璧泥塗間

溼

老成愧苟得童穉羞無官如何羊裘翁不念歸來難

又

栲栳山人詩集

二

登崇任資算用捨計日善旣無所嘉惡政不須嫉
是以利祿人處世惟用術吉凶雖無恒萬世德惟一

又

謗讟我自致勿怨生不辰蒺藜非所據石卜陷厥身
始知膠漆心千載雷與陳蠅矢任黑白頽然自天真

又

絺綌不任暑毳褐寒還生寒暑歲相似中心空自驚
道義山岳重富貴浮雲輕念此轉悽惻俛仰何所成

溼字勝

石卜下透陷身似用
白祭文
石卜未解考實

又

人各有所愛我獨不愛酒心清萬慮息晃若開八牖
醉人識至樂云入無何有惟餘獨醒翁千載尙吾友

又

憲章千萬條執筆不勞擬事至唯討論倦足成跛倚
終然有變通圓池倏方泚歎息無所言神哉孔方子

又

天以一生數積累乃至萬不一事轉多觸目皆恨怨

栲栳山人詩集

三

干戈致陵夷可否更替獻緬思結繩時淳風欲遐遠

又

人皆與世同我獨與世異同則譽日生異則毀日至
西山采薇翁千古秉高志斯人不可從催科困王事

又

鷓鴣一枝安鼠食何易足惟知人爵榮不識天理辱
滄溟偃鵬鵬雲霧迷鴻鵠一笑付忘言歸田故山曲

王子英館楊氏作詩自述以柬之

項王拔劍起叱咤天爲陰平生萬人敵虞兮淚沾襟
我才魚上竹君學猿投林歎息無與言蕭騷雪盈簪

又

我憐卞和氏獻璞別其足千載無斯人荆山有遺玉
遺玉何足云遺賢難自鬻置身蒿艾中何人爲推轂

又

蒲輪迎申公感慨懷漢武爲治顧力行所畜惟一語
寥寥百世下茲事誰復舉高松梁棟材埋沒同草莽

栲栳山人詩集

四

又

狂奴肆故態傲晚萬乘君羊裘不解結歸釣桐江雲
我窮不出戶經籍自討論懷哉孔稚圭空移北山文

和李元善自警詩

達爲天下相窮作人世師窮達有定命勿嘆時非時
寧污牛尾泥不作車塵隨山林隱文豹江海潛黃螭
人皆嗜奔競奔競人還媿仲尼與三子出處皆從宜
一介不可與萬鍾亦難辭今人知古人不識來者誰

何如沽美酒笑傲歌新詩功業不補世那求後人思
人生如樹花開落從風吹又如無根蓬飄飄亦何爲
天高日月遠壽命皆崦嵫人兮勿自苦吾道常平夷

百雁圖

離離鴻雁群渺渺水雲國白雪剡川藤玄香牧溪迹
形真具生意彷彿二百翼四海兄弟情於茲見叙秩
前鳴後如應高下低復逆隨陽足稻梁直夜防機弋
水寒蘆葉黃霜清葦花白群遊得所止一氣同悅懌

栲栳山人詩集

五

哀哉淮南謠布粟歌斗尺東阿賦豆箕才高終擯斥
觀圖適念此翻爲古人戚今人猶古人毋爲後人惜

送鄭學可赴平江學道書院長

姑蘇古霸國繁華有遺蹤櫛比十萬家樓臺出鴻濛
歌舞徹清夜錦繡圍春風苟無禮義化流蕩將何從
子游千載士文學洙泗宗邦人致仰慕築室闢闢中
犧牲與籩豆祀事潔且豐育材闡文化道義相磨礱
有如砥柱石屹然障河洪吾黨舊文獻近亦多章縫

楊子昔長此講貫懋厥功吾子亦云往辭色温且恭
薰風揭絳帳臯比座蒙茸願析學道旨再使民俗忠
我當踵季札觀風一來同

食新笋

黃虀甕已竭枯脯筐亦空老芥長芒刺食久咽爲痛
山雨折竹胎未入春盤供畦丁適踵門致我親戚送
脫綳錦紋散切玉霜刀美新香歎湯鼎饒涎迸齒縫
未倩搜詩腸已破食肉夢參禪誠滑稽煮簞宜咲閔
栲栳山人詩集

六

贊寧譜亦佳涪翁句堪誦僻居東海偏斯味時一中
山僧應厭飡飽食聽春咲

三哀詩

厲公子先師侃侃國髦士文詞奮白屋名識動丹宸
帝鄉眷遇殊曲宴錫豐侈青衫何足云倏忽期顯仕
云胡尉茗溪露泣秋萱死朔風撼南極黃屋繼陳圯
歸樓從山雲松柯蔭琴史淚揮新亭悲詩窮黍離旨
雪霜轉侵凌故里不可止漂泊海東西生計日彫靡

暮年賦歸歟幸遂首邱志遺經惜無傳嗣續但耘耔
死別三十春恨未致一慰何當馬鬣封秋菊荐寒水
右故厲先生

先生諱元吉字無咎號半村宋末舉進士
第爲烏程尉

我憶總角初群立侍師魯蒼然太古姿肩髮垂素縷
慨思英發時濟濟整風度承家二百禩衣冠踵餘武
馳騁文藻林漢落老無遇轉盼五十春國祚倏非故

栲栳山人詩集

七

荒涼東海濱誰復嗟罄篋幸餘慈溪翁詩文接情素
孫枝復萎折宗祏凜無主斯文竟何辜不綴一綫緒
嗟予三世交念此轉增慕蕭蕭豫樟風悲號恫難訴

右故高先生

先生字師魯里先儒

吾鄉山水佳間世產英特邇來百年間接武愧寥寂
蒼蒼栲栳峯東西峙空碧先生擅斯名挺挺無愧色
馳聲翰墨場群彥咸辟易五色日迷眼造物秘莫測

餘年付詩酒琴書自朝夕晚交無功師妙語契金石
談空聊生死奚以貧賤戚青衫固不就縱就國步革
淒涼文會基狐兔穴遺甓我生恨後時不及風采識
空餘書一編焚香得繙繹

右故李先生

先生字天錫號碧峰里先儒

弔高仲煒

獨瞻東海彥文緒支一木悃歎無所爲筆耕繼饘粥

栲栳山人詩集

八

馳騁山水懷泓渟經史腹光潛珠入淵德隱玉韞積
辨博飲同志沉默瞬流俗人謂靜者壽命乃如轉燭
分袂未二旬一疾竟困踣寡妻抱遺經號呼無可屬
哀哉同門友付托聊一粟炎涼世事變誰奠生芻束
蒼蒼林湖山玉樹埋荒麓白雲如有知爲我伴幽獨

送易直兄入京

渥洼產良驥振鬣鳴天衢力雖任遠重赤汗流殷珠
兄材足馳騁惜爲百里拘善政無浪譽鄙彼訐直徒

渠堂風日閒疲氓自春蘓邇來解組歸宴笑樂友于
攬轡忽言別觸熱之皇都風波幸寧息道途諒無虞
穀祿天所與慎勿權門趨銅章縮綠綬昔日青瓊儒
我猶寧生龜曳尾甘泥塗兄今遠行邁所願當何如
功名固宜勗更寄加飡書

述古四章送范瑞卿回越

陶朱五湖客相業霸於越十年思復讐一舉強國滅
扁舟烟水間千載仰遺烈子今居是邦景慕有前轍
榜棹山人詩集
九
試吏固云始時至亦宏達

萊蕪漢佳士游宦不厭貧辭官太尉府甌釜生魚塵
緬維清儉撝千載聞一人子今舉無玷得祿思養親
嘗聞餽粥絕升斗謀諸隣

管子戒第篇共伐武
丁丑年五月廿七日

司隸百世士攬轡思澄清生羅黨錮禍歿有盖世名
善類旣銷歇漢祚亦云傾子材固不逮識此已足稱
古人不可見千載思雲初

文正將相才憂國還憂民大開天章閣姦邪日遂巡

按陸畢齋讀李作
叔特相改愈改
叔中改作斗叔能作
叔中在字存叔字可
以通游不言
丁丑二月廿七日

至今姑蘓田利澤及後人試吏計資莫積累猶涓塵
功名苟樹立富貴何足云

盆蘭

猗猗紫蘭花素秉巖穴趣移栽碧盆中似爲香所誤
吐舌終不言畏此塵垢污豈無高節士幽深共情素
俛首若有思清風颯庭戶

爲題慶元路太守雍吉刺氏傳家錄書答鄭景

尹

栲栳山人詩集

十

東風墜雲翰陋室生光輝薰沐一開緘慰我久別思
爲言樂道善速我褒賢詩恭惟侍讀翁忠孝世所知
清客人中彥草廬天下師二老既有作我焉敢措辭
及觀家乘叙潛德良無遺自揆非巧匠縮手唯嗟咨
吾聞許文正道德開皇基文明耀中土四裔猶蚩蚩
譯經入國語訓迪良在茲所以北庭貴撫字皆倫彘
莖堂嗣爵秩來守甬水湄濊澤被民庶懋德隆本支
擇配貳帝室萬國瞻母儀王正肇厥始諸君咏重熙

大哉聖人道終古長如斯

題王氏三薌圖

春風桃李花秋雨梧桐樹人心自悲喜草木那知故
三香各根柢氣色偶相附一有淒涼冰雪魂實絕霜月趣
人惟知其然遂有兄弟喻花豈識友于人自生好惡
吾聞登徒子好色耽偃僂又聞海上翁逐臭慕腥腐
世人溺嗜好顛倒死不悟君今眷茲香志意實清苦
流芳當無窮萬古復萬古

榜棹山人詩集

士

夢中作

積雨稍開霽晴川榜孤舟雙目豁陰翳四望餘雲收
輕風生衣袂洒洒舒煩憂橋橫落日迥水與山俱流
白鷗洲渚涼黃鳥林塘幽十旬九陰雨茲晴信難求
美景與心會及暮猶遲留賓朋愜清賞晤語更猷酬
歸途見明月華巔風颼颼

送景融侄之省

宴安人鴟毒我老嗟無聞知汝行有日送汝寧無言

汝父早卽世汝子衣猶斑汝弟頗知學且識應門難
別家思自奮托蔭薇花垣王侯近下士接待禮尤寬
人觀所爲主結交慎扳援期汝在遠大囑汝猶殷勤
蛟龍蟄深壑變化斯湏間鷗鶚志霄漢奮迅凌風翰
錢塘萃佳麗比屋人烟寔寢食湏自謹勿躡春風門
酌此一盃酒我心愈憂煩功名倘相遂寄我歸來篇
謝汪辰良太守祈雨有應

赤日露頂行步入南雷去歸來雲霧生薄暮雨如注

栲栳山人詩集

三

蒼蒼將槁苗鬱鬱色如故人言太守賢天意肯相助
不喜亦不矜太守若無與日月行中天照臨及下土
日月不自功光明萬民睹我知太守心借此以爲喻
試問喻者誰三山老農圃

董止菴詩卷

道人名止菴其實無所止不構草木廬不斷土石址
惟於寓居堂揭扁字盈咫偉哉磐石書古隸道且美
廬市固煩囂自得塵外致開扇睨龍泉嵐嵐動蘭几

中涵玉笈文鱗比積經史朝繙暮紬繹刻志究玄理
著書混三教牽令同一軌示予得披閱愧未參奧旨
出語如湧泉辨析至於是性心旣超脫好尙世所異
朝行攜赤藤逍遙舜江市夜息數清漏靈臺湛秋水
我嘗問道人請祈止之義仁敬慈孝信五者孰可已
道人笑未言欲答如有擬緝蠻黃鳥聲翛然起岑蔚
題月波圭大章先月亭

人心貴虛明月色愛端正旁死還哉生以漸至圓淨

楞棧山人詩集

三

誰於旣望宵分此先後景亭依水西澗月出山東嶺
孤光一麗天卽破亭色暝憑闌對東湖潏灩一千頃
惟憐亭西隅陰陰尙幽靚一輪固圓明未盡滿月境
何如到天心山河了無影

和濟天岸法師約李五峯同遊韻

我不識往古誰復知來今彼哉牛山淚祇濕當時襟
節序條代謝秋風生樹林暑氣日已薄涼氣日已深
酌我新熟酒鳴我素蓄琴陶然一今古萬事從無心

又

行行風波途著脚殊未穩榮名非素懷飄忽任衰晚
嗟哉聖賢心明白寄黃卷如何當世人交深語翻淺
所以靖節翁拋官托罷蹇長歌歸去來高風播彌遠

又

醜婦怯青鏡當春強歡媚佳人飾紅芳祇恐老日至
清修歲可延嬋娟色難恃松喬悟茲理倏遂高舉志
君今五雲居湖山迹先寄相從殊有懷誅茆恨無地

栲栳山人詩集

十四

又

窮居越東海西望越山翠越山何葱蘢中有五雲起
美人隔重江交會日遊恣詩文賞清新世道任豐悴
吾聞宛陵翁窮廼詩所累君今猶筆畔斯窮得無自

又

雞鳴夜起舞志士慘不眠嵇生稱達觀看鴻復揮弦
何如息心慮從物更後前我惟囿大化不計脆與堅
聞道寧一日穢德終百年盜跖富且壽天理何其偏

用韻簡休遠上人

乾莖散清氣詩文肆呶哇謳吟出天然豈事攫與拏

金鑿傲貴幸玉燭歌調和蘇黃與李杜後繼今誰家

輝光掩朝竦綺麗欺春葩温然悅情性清矣寒齒牙

顧予私淑人景慕空年華古來蔬笋林味此閒亦嘉

名誰厠姓髦俊迹每沉邱阿一斑窺管豹两部聽春蛙

苟無入神趣徒若纏病疴禪林得幻悟學業日已加

綫溜濺崖壑終焉赴洪河大輅鳴和鈴慎勿較柴車

栲栳山人詩集

圭

前詩雖相戲勿謂語意頗宗門說圓頓寶偈河沙多

師當復悟此行坐甄叔迦

次茲息庵冬日海棠韻

盈盈宮錦仙厭彼繁華場當春不自獻婉婉懷無生

托根旃檀林金仙借恩光群陰正凝互特與同春陽

拒霜宜愧死江梅亦羞香翻令桃杏顏應有趨時傷

定惠一笑姿未免隨春芳始信鶴林仙邂逅非時粧

追和韋蘇州種瓜詩韻蓋有所感也

傲不足
金鑿空用李白

群畊斥鹵地此計誠迂踈種瓜春夏交幸不致荒蕪
青丸熟秋實漲水爲漂如天災世難測詎敢尤耘鋤
農家刈秔稻我乃憂空虛遠思韋蘇州不如坐觀書

和李宰韻

春風吹繁花秋露淨孤月壯年嗜好新對此每傾悅
年來百念灰搔首惟短髮流光不我與苔生古人骨
常懷却世紛宴坐學龜息心乎茂叔蓮興乃子猷竹
從渠鵬去留不問馬得失李侯宦游蹤來儼海上宅

栲栳山人詩集

六

庭蘭茁春芽笑語落霏雪詩文嘗我過老晦資啟發
窮思獨善身自猷殊未屑對酒還當歌甘旨肯朝夕
君心與我懷相對交歎息

送張巡檢滿任歸莫寧

蓬萊海中雲太行天下脊相去萬餘里可望不可卽
君騎紫騮馬捧檄來夙昔焉知冀北材絳此江南役
蕭蕭水霜姿翩翩水雲迹三載職巡邏公餘自經籍
我老辱交契相過惟咫尺平生詩酒懷公田足香秣

朱樓俯官道向水光的
樂開簾見青山徙倚生
悅懽海氛忽憑陵蒙衝肆
攻擊弓開新月彎劍倚
秋空碧跋涉洪濤中歸
語心戚戚惟喜山谷間
穿窬自寧息花村犬生
豸民庶安種楡解龜及
初秋荐剌已騰涉大邦
助褒詞憲府終見辟雙
溪風月清往矣無愧色
儀式著宏綱臨事須謹
飭

灌蛙

灌蛙起清晨汲水甘自
芻微露濕裳屐涼風吹
髻毛

考校山人詩集

七

緬懷漢陰丈東陵亦其
曹顧予何爲者佚豫敢
自驕日午得偃息讀書
志彌高年飢見秔稻萬
民免煎熬寄跡天壤間
於焉遂逍遙

洞山十詠

松龍

輪囷屈拏勢偃蹇蟠伏
影山神懼飛騰繫縛藉
藤綆斤斧不敢施蟄卧
恐其醒鱗甲生陰風颯
我毛骨冷

蛙石

子陽千載魂化石疑未死脹腹猶彭亨屹此自尊鬼
怒氣足倡勇能爲越王起坎井樂苟安焉知東海水

鏡池

鎔鑄匪鑪冶寒液凝不裂雖無磨淬工俯視香奩揭
能滿百慮空了不見生滅水鑑唯外形心淵湛秋月

梅沼

孤根懸倒影彷彿浮靈槎踈踈枝間雪淡淡波中花
松竹復相亞偃蹇同歌斜折香汲深寒清供推禪家

栲栳山人詩集

一八

將軍石

竒形奮雄武可拜不可觸雖無三品封閱世知幾國
似逃秦皇鞭來聽山鬼哭翻思雷萬春受矢如槁木

烏石嶺

山蹊本蘄岩着腳畏頑石何人琢玄璞甃壘界墨色
恍疑踏鯨背步武便短屐日暮知僧歸山空聞卓錫

豹關

目光爛陰崖壯氣振林木炳炳金錢斑霧澤文彩足

夜深忽咆吼驚却老僧宿起視山月高餘音在空谷
透瓶泉

崖陰滴珠璣清蓄蛟人泣薨墨汲新寒蒲貯歸湏急
外滲如方諸中乾匪人吸君看鉛汞流金鐵猶漏濕

琴峽

石束清溪流琮琤玉聲碎如聞捺履霜墮却思親淚
伯牙寡所知鍾期乃同志至今流水音寥寥在茲地

桂軒

栲栳山人詩集

九

誰居廣寒宮有此佳樹植年年風露中黃金吐秋色
秋色天上來開軒爲我得笑彼揮斤翁勞生竟何益

吳南伯王子英李元善會于林湖資敬菴各有

韻語予遂叙和

役役歲將暮閒暇不易得高賢會山阿恨此雲霧隔
敬亭新歸人金臺舊遊客偕彼東臯翁於焉話疇昔
心契金石交意探山水蹟我窮不出門頗覺天地窄
君雖倦遊歸有志終致澤長歌楚狂辭痛哭賈生策

努力青雲衢毋使頭遽白

魚潛碧淵中鳶戾青雲表志士各苦心肯嗜顏色好
聲氣幸不殊詩書事探討虞歌叙繾綣翰墨遞揮掃
三英倏胥會翠崦深杳杳有同松竹梅凌寒挺清峭
我亦物外人胥懷自明了退藏豈余心畏此風波浩
未言折鎗鎗政坐污皦皦古道日淪喪交誼今復少
如何二三子真情見懷抱倘可立下風毋譏原壤老

懷古

榜棹山人詩集

三

淵明晉徵士子雲莽大夫超然歸去辭深哉太立書
文詞重金石軒冕輕錙銖恬退各有懷從此辨賢愚
焉知千載下直筆逢董狐富貴何足云節義斯良圖
奈何今世士草間乞爲奴首鼠幸脫兔辱國心何如
嗟嗟白野公肝腦污泥塗見道固明白殺身似糲糊
讀我懷古詩後賢其鑒諸

寄興示諸子

田園日蕪穢衰邁不自治童僕肆踈嬾子孫習娛嬉

良苗雜稂莠瓜瓞纏蒺藜草深狐兔聚水積蛙蚓滋
念茲每獨往邈焉起遐思世事亦如此重令我心悲

送任正之旋里

君居東海國投轄思釣鰲持竿三十年歸來鬢蕭騷
六鰲不可得動盪空波濤跋涉山海間力費心徒勞
唯餘詩酒興不負平生豪竭來三山居燕坐樓閣高
開窓納新月展席延清飈此樂我所嗜爽氣生膚毛
世人附炎熱反爲我輩嘲窮冬雨雪途竹輿替蘭橈
榜棹山人詩集

三

題舊統扇

去年壁上扇蒼蒼生網蟲今年承拂拭還有去年風
自憐顏色改得入君懷中願言新舊人恩寵長相同
次韻桂懷英以詩寄謝元善及宗昭侄輩暮夜

見訪

窓虛月炯炯林近風颼颼梅花照我室緬想羅浮遊
羅浮浸碧海騎鯨夢中求風淒花月白毛骨清寒繆

坡翁不可見浩興無與酬歸來二三子謳吟愜狂謀
敲門索美酒燈影搖玉舟誰能合污俗庶足同清流
爲言立仗馬何似忘机鷗董溪月中仙乘鸞海東頭
我思一見之心往足還留寄聲妙年客癯翁不勝秋
簡從山僧亮明道

普明山中僧瀟洒雲外客肅竇天竺堂步武慎規式
山中五千指湖海視儀則斯時虎岩翁宴坐躬誨益
瓶錫如流泉請謁無虛席吾師解周旋雲衲舉欣懽

栲栳山人詩集

三

送迎盡禮貌衆譽日赫奕高座忽傾圯拂袖歸故域
從容細行中止觀恣溫釋諸山積餘資潤屋侈華飾
飛甍切雲霓廣畝連阡陌豈惟服食豐少艾亦充斥
國朝極尊崇我輩徒歎息一朝命令下俾齒齊民役
徵輸與輓漕鞭箠困驅策于以甦疲民于以警貨殖
惟師樂恬退儲蓄僅朝夕昔有無田譏今無有田戚
所以閒雅懷得遂遊覽曷今秋積雨餘訪我海東磧
田衣影翩翩屐齒響苔石我逃空谷中聞之喜盈色

一尊對黃花真意頗週悉僣勉出贈言拈毫寫胸臆
倒囊蒼新響明月光的樂生我蓬華輝啟我茆徑塞
復爲重峰行幽探山水曠茲山多俊彥感歎已非昔
顛顛大章公叢林服英識斯人不可見俛仰但陳跡
歸來叙別懷晤語轉悽惻吾宗子孫多且復倒餘瀝
隣家有新醕解珮奚足惜欣欣笑語間禮度愈嚴飭
約我山中游可以已羸疾詎意承新交出語見悃悞
茲行固未逮厚意殊感激何當具扁舟行艤半山側

栲栳山人詩集

三三

一笑過石橋攀蘿共登陟摩挲兩青童遙眺南山碧
次元善喜雨韵

石燕拂雲杪河魚落簷前天公半月雨上下舒憂煎
槁壤蚓發唱素壁蝸流涎禾蔬鬱嘉秀樂彼田與園
旣無溝壑虞體受期歸全插架有遺軸足以消餘年

次雷子樞知事延平八詠韵

以下皆延平作

龍津春浪

寶劍龍入水千載猶可見春風動鱗甲浪舞桃花片

一息過天地相期曲江宴

猿洞秋風

風高掃炎瘴猿嘯破昏昧
聖學醒群蒙觸景與心會
我思住山中伊誰致芳醑

三寺雲深

峩峩金鳳山紺宇各雄占
佛境本無殊人心有欣厭
雲從何處來普覆青蘿片

九峯月朗

榜棹山人詩集

十四

群峯西南來疊翠環且聚
絕頂生夜涼光浮玉毫兔
沆瀣洗我心高吟振寰宇

梅山朝旭

白鶴去不返仙歸已無日
大明生東維光粲神丹室
我來吊遺踪唯見跳丸赤

演仙晴霞

翠微爛五色迴光動仙舍
誰移赤城霞來展延平畫
躋扳遠莫遂沉吟日西下

中巖飛瀑
泉流山忽斷急濺落懸壁梁石見天機竅竹給民食
賢哉賽侯功豐碑宜百尺

黯淡雄濤
建溪東南流灘石獐可怖黯淡束竒險過此殆無慮
回思太行山亦有摧車路

官舍偶成

宿雨生曉涼幽禽在高樹披衣出門看溪流急如注
栲栳山人詩集

三

草木被新渥青山蒲公署偶爲城郭居獲此林下素
隣家酒如澠歌管朝夕度此樂非我知看書日還暮
傷心行用李長吉韵

朔風動清吟孤月流寒素白髮困青燈紅妝泣秋雨
羅扇沿網虫寶鑑青鸞舞白晝魍魎行山昏鬼無語
詠范氏池亭

虛亭巧結構有此觀魚境碧沼風生紋高林月留影
花竹列我前松杉瘦而穎山環翡翠屏水瑩琉璃井

書生東海來山水頗深省喜有鄭家湖詩文每相警

楞棧山人詩集

三



書生東海來山水頗深省喜有鄭家湖詩文每相警

栲栳山人詩集卷之二

元餘姚岑安卿靜能著

七言古詩

題太真春睡圖

東風吹香蕩晴晝長
安宮苑花如繡海棠
一夜折輕紅淑氣薰
蒸困醇酎太真徒倚
沉香亭宿醒未解春
真真睂峰歛翠翳秋
水侍兒夾擁花娉婷
玉床膩滑芙蓉展水
沉烟嬾金屏暖丹腮
融潤珊瑚温寶釵斜

栲栳山人詩集

一

鬢烏雲縮上皇玉笛
那敢吹地衣紅皺靴
輕移傳令別殿罷歌
管流鶯不語游絲垂
漁陽鼙鼓邊塵動臺
閣無言卿士懵婦人
一睡四海昏主闇臣
諛總如夢翠華西狩
九廟隳禍胎未剪三
軍疑馬嵬之夢生死
訣一時悔禍人心歸
驪山舉燧俱歡笑大
戒蹴踏周原草丹青
誰寫春睡圖後世不
湏箴大寶

樵隱詩爲澗東僉事畢公賦

山人隱跡樵嶆峒天王賜見明光宮
執柯伐柯喻爲

學茲理講貫融心胸
侏侏胄子國元氣有命剖析開
昏蒙斧斤斲就棟梁器
構樞根楔紛相從賢能徃徃
布清要利澤天下山人功
功成又復視民俗綉衣玉
斧蓬萊東剪除枳棘毓嘉木
坐聽於越歌時雍會稽
秦望常獨徃此心猶羨樵涇風

次韓明善題推篷圖

青松陰陰間修竹六月
條然破炎溽梅花一味只宜
冬江上孤舟水邊屋
筆端春信回孤根
鮫綃淺抹立
楞棹山人詩集
霜痕江南烟雨正
愁絕一枝喚醒羅浮魂
無聲詩生
有聲畫吟咏工夫見
揮洒坡翁仙去二百春
夢遠松
風古亭下茲花清致
誰堪當孤山題品
淵源長推篷
細認心淒涼
鼻端彷彿聞天香

勉家無逸向學

蚌胎挾珠光陸離山石韞玉形
瑰竒民生適秉俊秀
姿如玉舍潤珠生輝
廣平世德遠已微雲初奮發思
前微輕儇不逐裘馬肥
下帷恬淡藪塩宜讀書待旦

心孜孜穴壁睥睨晨光熹我憶視子齧齒時髮髮鬱
爾青齊眉椿庭期待余所知延師囑汝吾儒歸只今
年纔二十幾瑰詞藻語超倫夷示予琬琰潤且滋蠅
頭點漆光纍纍蘭苔芬馥翡翠飛鯨魚掉尾橫天池
秋風丹桂香紛霏明年期爾扳高枝而翁陰佑應扶
持搏風九萬非難期但愁老眼將昏眵羽翼不睹連
雲垂

墜馬漫成錄示諸弟侄

栲栳山人詩集

三

君不見杜少陵劍南宣謀老且窮瞿塘一蹶傷其躬
又不見蕭齊司徒喪名節墮水被誚訾超宗我慙人
馬仆石梁翻身直下馮夷宮衣襦沾濕愧乘鯉鞍轡
出沒如游龍康莊獨步信便適陟危履險由來凶從
茲時買兩芒屨徃來策杖道遙中

和舒宏道

輓轡汲井羞綆短海納江河不知滿大材小器量不
同火鼠冰蠶自寒暖人能宏道斯爲儒餘光端可昭

昏愚君家信道非凡夫臨危嘗解捐其軀眼明見此
渥注汗血之名駒胡爲尙滯禹門黥額之龍魚譬猶
卞和白璧隋侯珠未遇具眼寧同瓦礫迷榛墟君文
璀璨新出之珊瑚君材粹美已琢之璠璣誰能與君
對擲爭梟盧但當再拜捋彼桓伊鬚裁詩再寄驚我
心糝糊我惟袖手閣筆成欵歎武夫幸厠珩與琚定
知鄙我生嗟吁杜州水煖飛群鳧管絃畫舫如平居
慎勿同樂辜三餘五湖一舸今何如

楞棧山人詩集

四

題晴川圖

清谿粼粼生淺花曉日倒射搖金沙翩然雙鷺下危
石玉雪照影無纖瑕溪邊小景入圖畫青烟綠樹漁
翁家漁翁歸來歌未終鷺鷥忽起蘆花風回眸遙望
不可極但見白玉飛青空昔年夜宿瀟湘浦徹曉不
眠聽急雨解衣曳杖立沙頭何似今朝得容與長安
馬寒泥沒腹雪滿朝衣凍肩縮試令援筆題此圖長

篇應賦歸來曲

和王子英醉後歌

至人超六合造物期同遊
飄飄無根蓬蕩蕩不繫舟
江河罔知返日夕惟東流
鳴鳩爾何爲戶牖思綢繆
人生底用愁如織朝看朱
顏暮無色何如生死兩忘
懷日月梭飛任交擲君不
見秦皇入海求方瞳包括
區宇摧群雄沙邱輻鯨鮑
魚臭一世萬世今何功又
不見班生投筆踰流沙封
侯萬里威遠加玉關東望
不可入上書祈請心咨嗟
我生於人何所爲死當身

栲栳山人詩集

五

人何所

外亦誰悲烏鳶螻蟻苦
分別珠襦玉柩徒光輝
不如

何所苦

何所

生前賦詩飲酒放浪山水間
死與造物默默還同歸

正月聞鶉有感

惡人恒多善人少春來未省聽啼鳥
惟有鴟梟最惱人聒聒五更鳴
到曉鴟梟鳴梟爾何爲萬人怪
汝千人譏更有王孫金彈丸
遶林逐爾將安歸

二月二日大雪偶賦時寓州郭

東風吹寒春漠漠海氛作暝天
昏昏空堦夜落雪一

尺起看萬樹梨花雲詩翁撚鬚僵不死開窓強作飢
猿蹲欲呵凍筆寫清思甕中餘瀝催頻温山僧積財
富畝畝驅馳役事何紛紛木魚停搥磬聲絕但聽衙
鼓趨公門何如孤舟釣魚叟一簑獨釣寒江口

不容送鑑同知

劉侯宦轍半天下臺閣州府無不可王良駟馬熟路
車楊僕樓船順流柁政刑德禮隨設施賢智愚頑咸
切磋竭來貳政臨吾州民習澆漓吏偷惰我侯振舉

栲栳山人詩集

六

綱目張治劇理繁唯瑣瑣每嗟田賦籍不明玉板青
綾空疊堞大邦有命獨見推萬指不停終夜火富民
有田不忍欺貧士無田愈閒暇今年賦役稱均平吏
不容奸民俗妥侯能施惠澤吾民民亦祝侯膺福嘏
祝侯福嘏當何如正笏垂紳輔宗社

代人送陳元綱巡檢墓親畢還烏江

東風吹醒遊人夢千里還歸寸心痛烏江春至雨雪
餘白鷺洲晴水消凍錦囊囊璀璨行色饒畫鷁凌空見

飛動陸行更買竹肩輿夾道梅花遇相送春禽不解
客心悲曉日高枝作嬌嘆涉江還踏西陵道萬壑千
巖春渺渺祕圖行認舊遊蹤客星分翠迎歸棹三山
東望海茫茫雪浪翻空髻鬟小歸來夜宿故人家白
髮青燈爛相照明朝匍匐走重峰淚洒松風石雲鳥
銜哀捧骨闕幽宮馬鬣封高水縈繞行人齋谷風日
悲白馬素車來故老送終事已旋有期叙舊杯盤慙
草草裁詩聊復餞君行我亦何人遽揮掃西江宗派
桤松山人詩集

七

師涪翁邵菴當代文章公持詩爲我謁函丈點化金
鐵歸陶鎔緘謄遠示塗竄迹咀嚼端可醒昏蒙何妨
更致明月片七椀兩腋生清風掃除人世酣醉夢凌
雲竟入蓬萊宮西江訪舊期再會擷芳更煮康王淙

題王中立樵雲卷

三衢仙人石橋奕隅坐野樵心自適不知柯爛歲月
深人世歸來已非昔越山客亦樵雲中碧山杳杳雲
重重香爐捫蘿春蒼鬱若耶涉水秋冥濛斧聲丁丁

響深谷猿猱鹿豕恒相從懷章太守歸故里讀書處
土樓長松古人千載不可見二公出處誰將同君於
此計豈長往草衣芒屨姑從容仙人倘遇不須久歸
來歌我樵涇風

出門偶賦

老驥伏櫪風蕭蕭飢鴈側目看青霄驪龍抱珠海底
卧虎豹不噬群猿嗥河邊老人倚墻坐六合茫茫彈
丸大平生賸讀古人書倒篋青錢無一箇側聞朝廷
榜棹山人詩集
八
遺逸徵集賢著作空盈廷紫薇堂上日羊飯世祖山
河如砥平

題慶元路太守雍吉刺氏傳家錄卷

六經輔世不可徹照耀古今如日月前聖後聖語合
符歷歷盡爲忠孝發埜堂太守來甬東下車德澤春
融融撫民餘暇出家乘累葉爵位猶尊崇先翁昔長
玉堂署爲德重重心謙冲露香百拜已母疾讓爵同
產情相鍾丹廷褒錫表宅里雙楹玉篆懸穹窿大君

有命治懷慶至今父老歌勲庸尊崇不緣戚里貴忠
孝自與天人通中朝閣老更贊詠墨雲揮洒飛蛇龍
雄文大筆續前代玉光下燭披長虹親親敬長在一
已能使天下皆同風公承世寶將雨露盡洗海國塵
埃蒙民風丕變獄訟息温言惻惻蘓疲癯老農家居
五雲里引領東望思帡幪願言不日秉旄鉞七州均
入甄陶中上爲天子宣德意下慰祖考於無窮詩人
作歌頌不朽豐碑百尺看磨礱

栲栳山人詩集

九

題鄭學可餘樂齋

爰居不識鐘鼓響孔翠赤霄羞飼養滎陽千載不羈
人厥後雲初亦清爽燭溪流水清可斟烏戎山高足
瞻仰羨君築室山水間餘樂名齋信竒賞齋前花藥
恒芬敷屋上喬松翠相向黃金未散書滿堂白酒要
賓不須讓不綠獨冷固棲遲山水情深起遐想人言
貧賤樂有餘問君此樂爲何如貧而無樂豈我輩富
不好禮尤庸奴貧而有樂富好禮此是人間真丈夫

賦聖元日有感率成口號示季淵侄輩倣儲光羲體
世家三山踰百年讀書作官還種田支分派別五十
竈昔日一家同屋眠邇來本大枝葉繁榮枯異體理
則然自家有酒自家吃有餘儘可賓客延自家無錢
自家守慎勿倣效生怨愆我今新正四十四髮白面
黑心未死寡交頗覺鄉黨踈嫉惡何妨宗族忌此心
但願子孫賢詩禮家聲勿令墜種田有飯蚕有衣讀
書作官天下知紛紛衣錦食肉人馬上相逢知是誰

栲栳山人詩集

十

予觀近時詩人往往有以前代臺名爲賦者輒
用效顰以消餘暇

章華臺

周綱陵夷九鼎輕玉帛交錯朝蠻荆熊虔北睨志未
已積材壘土攬青冥姬姜麗質鄭衛音臺中宴樂森
如林汾沮遠略肘腋變乾溪一散愁人心荒山飢走
歸無所睡酣又失涓人股棘闌深閉魂魄飛申亥負
屍埋淺土章華臺上空子規啼殺游魂終不歸

姑蘇臺

吳王築土山爲址俯視水雲三百里臺中歌舞萃華
麗金碧噴崑眩珠翠江花泛泛浮鴟夷會稽思霸甘
甲辭千金不買西子笑一舸竟逐陶朱歸丹砌草深
麋鹿卧淒淒棘露沾人衣闔廬邱墓虎爲衛至今鐘
磬聞餘悲游人不悟國傾亡松間援筆題真娘

朝陽臺

巫峰十二青參差石形儼現仙娥姿蒼藤翠木怯淒

栲栳山人詩集

七

冷精誠夜感襄王思仙衣縹緲仙裙濕雲影飄飄雨
聲急陽臺朝暮不勝情高唐想像愁無極夢中奇遇
事杳冥公子雕辭亦胸臆荒涼古廟屹江干臺空不
見行雲跡游人悵望尙徘徊古碑寂寂荒蒨苔

黃金臺

雕墻峻宇無不亡薊城築宮國乃昌屈身延士禮優
異四方英俊如雲翔郭生馬喻真良策巫拜樂卿爲
上客兵行旬日入臨淄秦楚諸君咸辟易夙心已雪

先王耻七十齊城祇餘二君王僊去主帥迺嘆息後
人非繼志巍臺悲慘朔風號不知騎劫何時招

歌風臺

羸秦北築聲萬里芒碭無人識雲氣鴻門斗碎驪山
焚漢楚殘民半爲鬼重瞳失道身首分沛宮酒叙還
鄉恩風雲飛動白日永歌聲激烈悲勲親四方脩禦
思虎士進取守成良不易長陵崇奉四百春歌臺遺
築今荆杞壯哉一曲大風辭千古英雄盡懷愧

栲栳山人詩集

十一

戲馬臺

彭城負險河爲障南屹崇臺勢雄壯重瞳奮跡入秦
回諸侯攬轡皆南向酒酣蹙馬升崔嵬鬣翻鬚振雲
烟開倚鞭四顧示無敵指揮貔虎心雄哉黃金間行
亞父去帳下茫然失謀主楚歌聲合潰重圍昔日名
騅空故步千年積恨氣未消繞臺泗水撞飛濤

望思臺

金莖擎露空崔嵬湖臺築恨心猶哀剖桐殞土事曖

昧禍機元自長生來壽踰大耋世已稀趙國儉人心
嶮巇盜兵誅佞兩非是屈釐督戰猶驚疑銜冤竟隕
鳩泉里壺關三老言非遲向無少卿護病已上林僵
柳何緣起空餘老淚滴紋甃斑斑相間苔花紫

銅雀臺

漢宮分崩成鼎峙銅雀翬飛鄴宮起碧甍漾日覆紋
鴛蕙帳凝香集餘妓我觀初始旣驕逸後裔焉知惕
奢侈洛陽宮闕凌青霄公卿負土何焦勞玉音親責
拷棹山人詩集
三
役夫緩瞬息身首橫霜刀荒遊日恣典午肆西陵空
掩欺孤智至今硯墨抱遺羞千古姦雄穢青史

鳳凰臺

萬里長江東入海千年高臺今尙在當時誰道鳳凰
來覽德何人足相待鳳聲悠悠梧葉空謫仙文采流
長虹跨鯨一去不復返後人欲語羞雷同海上三山
渺何許群仙騎鳳隔風雨登臨空咏謫仙詩白鷺斜
飛過秋浦

八月上旬出遊晚歸

栲峰老人頭雪白竹扇如箕障炎赫徐行阡陌稻花
間稚子歌呼手高拍西風吹我衣巾輕鷺鷥飛起鸛
鶴鳴西山一餉掛龍雨薄暮歸來新月明

予請近時人詩有詞瀟湘一景者輒用此聲以銷俗眼

瀟湘八景

洞庭秋月

岳陽樓昏水雲黑夜揭冰輪破幽寂浮光萬頃躍寒
金倒影一規沉素壁霜毫誰幻清絕姿毛髮增寒心

栲棧山人詩集

西

辟易何時鼓柁遂南遊散髮君山弄虛碧

瀟湘夜雨

黑雲捲空暗衡岳二水爭流風力惡推窻不睹雪珠
跳篷底唯聽鳴錯落江猿無聲老蛟吼鯨鯢出沒聞
瀛溔素縑揮洒凜高堂座上羈人心戰愕

平沙落鴈

駱駝水枯圓露紫橘洲霜清平似砥衡陽回侶羽翻
疲接翅連群飛復止洞庭波濶菰米稀弋人夜榜機

心微平明又爲稻梁謀來看行迹空嗟咨

漁村落照

暝雲破紅日色微輕舟冉冉灣寒磯濕罾懸水水猶
綴回光倒射明珠璣怯寒鷗鷺集沙背側身鼓翅疑
忘機何當置我篷屋底一聲欸乃中流歸

山市晴嵐

雨餘山徑溪縈迴小橋野店相因開新烟覆屋色掩
映薄日籠樹光熹微芋魁香軟紫薑脆旋沽美酒添

栲栳山人詩集

五

尊壘不辭餘潤濕衣袂但惜屐齒傷莓苔

江天暮雪

洞庭波翻天咫尺風慘雲霾四無極水鳥寒死鴻鵠
僵冷逼漁簑眠不得馮夷夜翦瑤臺花瓊英着水輕
無迹試令寫入畫圖看衡岳諸峰失遙碧

遠浦帆歸

長江萬里東入海南極蒼梧北踰濟龍驤萬斛駕洪
濤去日酸辛歸日喜畫師夙昔諳行色鵝溪半幅留

真迹入門嫵媚各有懷誰念山巔望夫石

烟寺晚鐘

紺宮崔嵬插蒼冥暮陰凝紫蒙丹青華鯨吼徹日西
墜片月漸漸升東溟老僧暮歸尙餘暇松間引鶴搯
枯藤不知誰寫逼真境耳邊彷彿聞餘聲

題張彥明所藏剪紙惜花春起早圖

流蘊帳捲春寒輕紗窻弄碧天微明軟紅嬌紫怯朝
露美人推枕心爲驚鬢雲未縮香奩開侍兒側立肩

栲栳山人詩集

六

嬰孩黃鶯飛動花影亂停梳睥睨猶相猜誰將妙意
寄工巧溪藤雪瑩金刀小丹青退舍松煤枯剪出天
真數分杪荃熙傾軋空自誇唯競時人顏色好無聲
有聲兩相副此景此詩均壓倒司空慣見了無言應
是禪心被花惱

美人行

錦雲宰地春風軟彩鸞影展烏雲縮繡茸慵理怯餘
寒寶鳧烟斷花陰轉露晞香徑苔蘚肥鳳鞋濕翠行

遲遲憑闌無語何所思默看雙蝶花間飛

短歌行

有道之言馬路
不待宜千悔而後
題也

水濁不見石雲沉欲無山利欲酷似之翳彼方寸間
年來名利嗟已矣如雲過山石沉水我不似莊生形注
槁木心死灰又不如瞿曇氏面壁九年身不起物來
自解鑿妍醜事至尙思見非是始知至靜可觀動是
非妍醜皆從彼靜中有樂我素諳字我靜能斯不愧
春花粲爛秋葉零歲月奔馳老將至靜能靜能可若
栲栳山人詩集

七

何歸全湏究曾參旨

悼凱南仲

蟠龍老僧凱南仲平生信實無嫌猜袒肩不倚蒼苔
樹結跏趺坐蓮花臺我來問信默無語紙旛漠漠飛
塵埃不如徹此方解脫菩提明鏡何爲哉

寄茲息菴乞水墨蒲桃

息庵戲墨聞竒古碧蔓縈紆濕涼露聲名藉藉逼老
温我未得觀如病瞽剡藤涵雪持入山湏憶同窓舊

情素揮毫倘寄絕倫枝當置雲林息遊處

元正二日喜雪走筆示諸姪

天花夜逐東風來千山萬山白皚皚三陽缺瑞后土
澤六出呈巧馮夷裁漫空冥冥柳絮起匝地漠漠梨
花開玉龍群飛銀海湧縞鶴萬舞瓊林摧廣寒羽衣
離素閣詞姑射仙子升瑤臺蘓卿嚙矰心壯烈王恭披
篲身毳毼山陰逐棹迷處所東郭破屐行徘徊懸瓠
鷺鳴誤擊柝灞橋驢凍疑銜枚山僧有時聞折竹野

栲栳山人詩集

六

客無處尋真梅枯枝點綴生蓓蕾宿麥葢覆埋根荄
氣凌市井貴白墮光燦城郭無黃埃翰林石鼎月團
片太尉金帳羊羔醅重裊群飲繡帷底一竿獨釣寒
江隈誰憐高士僵欲死坐覺大地春先回歐公白戰
不持鐵效顰自愧非其才寒窻一笑呵凍筆誰能爲
我貽瓊瑰

再用韵

東皇夜駕雲車來縞衣羽葢光皚皚平明散作萬花

落幻出天巧非人裁初疑飛廉怒驅海倒捲萬疊銀

山摧又疑中秋十五夜月色冷浸玻璃臺恍如天女

乘白鶴曼陀落手輕毳毼又如楊花傍簾幙垂垂欲

下還徘徊鳥飛無影人跡滅瘦馬僵縮難加枚漫空

未止誰作戲暗香不度終非梅色欺山礬玉屑盡凍

屈庭草黃金菱寒威透肌起圓粟冷艷奪目無纖埃

呵冰濡我紫毫筆煖湯熱我真珠醅梁園勝賞猶想

像繽紛不辨隴與隈鄒枚司馬不可見妍辭秘思堪

栲栳山人詩集

七

抽回謝公作賦千載後只今誰復攄竒材我言諸子

毋自縮荆山俯拾皆玫瑰

送字文別駕

江風吹雲天漠漠去官欲行愁雨落沙頭已買一扁

舟惟載舊書盈故橐東街西街蠟屐聲冠蓋填門行

躑躅坐中猶有乞文人眼底元無贈錢客我願行時

天日晴先生此心江水清殷勤相餞一杯酒早聽玉

堂鈴索鳴

神程時用別駕
去
一或眼衣味同嘗
去

防盜夜行

翠蘿滴露絡緯鳴熠燿照影秋水清輕雲度白河漢
明月掛半壁生東溟幽人不寐起夜行鐵搗攪地鏗
有聲綠林豪客慎勿驚白晝大盜猶縱橫

十一月初五日初度

去年鐔津作初度適與書雲節相遇清晨賓從賀新
陽日午杯盤亦微具海亭宦客歸來遲薄莫北窻同
笑語其誇長至偶生辰似識老人增壽數今年在家

栲栳山人詩集

三

又初度破屋欺風海濤怒雖有絳蠟剪春紅亦有篆
烟騰碧縷妻孥滿目意自真少長相趨禮如故東臯
先生予故人寒窻教子甘清貧得錢沽酒還自醉書
聲夜夜驚比鄰東平先生李元善酒後歌詩快清健
可憐年少亦羞寒褐帽蒙頭僅留面欲要二妙話綢
繆羞殺冰庖酒殺鮮我雖有田未忍賣弟責兒嗔了
無怨只慙天子不我知溝壑老填爲可歎寄詩慎勿
笑痴狂倚樓且看南飛鴈

雪後及議有李涉馬遠
女子竹之若向歸如不歸
麻衣實也所無健竹不用
迴避也上于存上之君

再用韵東李元善

古邨書生美無度漂泊江湖嘆未遇貧如東野詩愈
佳歎息無車載家具莫言家具少於車喜有昌黎不
平語清名後世期不刊富貴浮雲何足數讀書唯闕
溫清餘女笑男啼不須怒王章昔日卧牛衣靖節茅
欄亦藍縷卽今蹭蹬母自憐變化雲龍豈無故顏生
四勿稱仁人負郭二頃猶言貧我田僅足了餽粥苦
吟貽笑東西隣行藏勿用人稱善景逼桑榆幸康健
栲栳山人詩集

三

烏紗匝匝僅蒙頭霜髻鬚鬆亦遮面青山白雲交契
深金馬玉堂書問鮮無才無德空老成下不尤人上
無怨與君唱酬心自歡咏歌未足還嗟歎越中小友
有來詩相要更賦衡陽鴈

寄謝曹娥王子隆

海風撼屋屋欲摧洪濤噴雪高崔嵬舟人戰懼心死
灰客子遠來猶自哀故人見我顏爲開煖湯濯足酒
滿杯黃柑丹荔錯落堆飯炒雲子光皚皚江上人誰

知老朽薄雲高誼今還有明朝風靜渡江去蘭芎山下重回首

題林平山詩卷

以下皆延平作

鄭侯書法妙天下鑿石林生亦文雅延平禪刻不日成坐見東南紙增價我窮出遊羞局促打碑擬向京師鬻只恐天公不我憐一夜風雷轟薦福

送建寧鄒仲方赴廣州鼎安巡檢

丹青挿空幻飛閣有客談天志寥廓毛錐未足了平

栲栳山人詩集

三

生心隘七閩山水郭青衫白帽提干將黃蕉丹荔番禺行溪童歌呼溪女舞山鬼不嘯海若藏路經潮陽車緩驅昌黎有廟神靈居升堂酌酒須再拜爲問鱸魚今有無

一分憲山東僉事

五雲仙子來蓬瀛霜花肅肅風泠泠繡衣一拂瘴雲散老龍擎月波心明鵬鵠膏寒浸秋水寶匣生光斗生紫妖氛千里不敢飛狐兔遁形梟獍徙九峯當軒

翠鸞時文筆又向天中起欲宣教化踵前賢瞻拜還
看下車始泮宮洋洋騰頌聲飛章從祀升延平玉堂
芸閣應贊成竚聞龔詔來天庭俗淳民厚期追刑百
世願主斯文盟

求葉仲輿寫墨竹扇面

此君一日不可無子猷篤愛心歡愉延平官舍斬伐
餘稽山倦客心煩紆先生拋官南海來胸中邱壑爭
崔嵬筆端造化奪天巧籟龍一夜驚春雷素絹團團
栲栳山人詩集
三
剪秋月願染元霜寫幽絕蕭然便覺風雨生頃刻清
寒屏炎熱昔時與可稱絕倫息齋近世尤逼真我持
此扇出門去要使韉材咸萃君

逢秋

高梧脫葉金井寒璧月夜掛珠闌干銀河萬里浸虛
白凌風欲訪乘槎仙金壺箭水聲第一畫角梅花聽
悽惻三山樓閣碧海涼老鶴不眠清露滴

贈畫龍陳亦所

飛龍在天不可識葉公千載餘墨迹洞微復寫牝牡
姿壁破點睛猶莫測老所三山海上僊貝闕珠宮慣
游歷歸來援筆寫飛騰變化風雲走胸臆但憂真贗
不可知空使時人寶燕石我來幸逢四世孫筆勢翩
翩尤逼真鮮衣半載梅山住持縑扣戶人紛紛畫成
不用書亦所便作所翁何所分出門鐔津正秋水一
笑雙龍忽飛起

謝李仲容見贈

楞棹山人詩集

三

海風立水天空濛瘴雲晝掩蓬萊宮仙人跨鶴天姥
東歸來樓閣昏無蹤九仙山高玉爲戶廣成去訪乘
鸞女桂香滴露夢不成看徹霓裳羽衣舞宮袍舞錦
花翩翩詩成毛骨生清寒飛章贈我歸剡川推篷月
在梅花邊

觀魚亭書所見

披雲仙子雙眉青一笑不語千娉婷臨風隔水忽何
許曼卿空主芙蓉城山齋歸來日色暮四壁黃昏鬼

相語城頭鳴鳴角聲曉青山一點黃金小

贈汪彥升

金花鞍覆紅鞵瑜駑駘振鬣鳴長途龍駒喘汗滴血
珠翹首伯樂羞塩車十年揮金醉皇都白髮闖海猶
馳驅臨汀春草梅花舒東風爲我先吹噓
次李元善求墨韻

君不見深源咄咄唯書空從知怪事填心胸仲將佳
製雖點漆空函竟達非桓敵又不見紹宗工隸希前

栲栳山人詩集

三

人畫腹意與虞公隣褚陳泓穎擯不用書法遠迨無
窮春顛張畫沙有奇悟藏鋒指意誰能喚我今老矣
心未融每愁落筆茫西東蠻牋十樣無遠寄窻昏几
敗塵埃封鳳樓不修紫毫凍舉手只解遮寒風前賢
學書心手閒杯飲自樂何勞鍾李侯懿子金閨郎文
章艷艷春葩香銀鈎鐵畫亦奇絕嗜好不羨紅樓粧
詩成揮洒每相寄戈波點畫道且剛元香銷磨倏無
跡袖手與我同淒涼知君尙方隴麋給使終有時我

獨兩髭蕭颯飛秋霜金鑾夜賜記恩寵玉堂晝步看
翱翔會當倚馬揮九制笑傲何在張君房廷珪真製
散絕今已五百祀我無佳惠君何償詩來急索肯違
忤祇恐鄰燭無餘光墨堪作字字堪煮徒使我輩偏
側搜枯腸

栲栳山人詩集

美

栲栳山人詩集卷之三

元餘姚岑安卿靜能著

五言律詩

次王敬助見寄韻六首

開元古名刹獨客思凄然不佩六國印元無二項田
吾猶甘自守人政不須憐堪笑陶朱子西施共上船

又

髮踈常自理心苦欲頻槌夜月久無夢秋風忽寄詩

栲栳山人詩集

一

來同顏子樂聊復宋生悲何怪孔文舉人猶呼作兒

又

卧龍蟠屈處首尾枕長河臺榭基猶在衣冠人若何
登臨雲水遠感慨草萊多無限攀援志青松有蔦蘿

又

琴書曾遠訪訪我海東濱對酒不成醉看花惟惜春
青燈書有味白眼世無人儘有畊桑趣翛然一幸民

又

祕圖留滯日鄉思已淒淒黃卷挑燈闋紅粧掩鏡啼
交新情僣勉感舊恨低迷語及深知處應憐獨鶴栖

又

山陰歸賀老唐室尙昇平詩有清狂語心無寵辱驚
賡歌希傑作出處見真情夷考前人志誰堪與並行

八月十六日夜月蝕

片玉出東溟斯浪怪事生皇天一眼矐下土萬民驚
蕩蕩雲無迹暉暉星愈明嫦娥恨孤寡誰爲斬墓精

栲栳山人詩集

二

寄易直兄

別去將三年相望路一千觀光誠有志問道恐無緣
夢墮柯山月愁迷舜水烟看雲應見憶只恐不成眠

悼吾武伯

儒林正衰落武伯又何如白髮雙親淚黃泉萬卷書
儀刑宗魯舊文彩懣庵餘應有修文約相從地下居

八月十九日宿慈水車輪橋野人家夜聞犬吠
有一人立門首忽問曰雞鳴否諾之乃入縣廨

役者蓋卜夜之早晚恐違官事也感而枕上有
作

官道月曹曹微雲弄薄晴居人聞犬吠行客問雞鳴
王者化無外公家事有程民心雖謹畏何日是昇平
九月三日晚與鄭元秉對坐至日暮小雨後歸
宿偶成

歸人歸未得天際復生陰小雨濕官道清砧傷客心
蕭肥蘭蕙瘦雀語鳳鸞暗坐對滎陽老空懷正始音
楞棧山人詩集

三

冬至前一日到游源及歸知元善亦自彼回途
中遇風不得相近偶成

夜醉重峰酒曉行游徑霜急風來廣漠初日在微茫
交臂恨相失思君還自傷翛然鷓鴣質雞鶩愧聯行
送康穆菴游浙右諸山

西林子元子子元穆菴字也觸熱又何之一語未深契瓣香

還爲誰月庭秋影滿雲閣定定遲倘有相思句因風

幸見貽

和來竺西見寄

歲暮重峰寺詩文喜共論
暝雲昏疊嶂寒雨滯孤村
別後病翻劇書來身幸存
藤枝肯扶老終扣月中門
見乞食日多感而有作

齒豁髻蕭颯幽棲東海陬
家貧難施與世亂易誅求
饑道二千里戈船五百艘
招安復征討食肉豈無謀
夏夜偶成

雨下山雲黑雨收山月明
涼風蚊蚋散活水蚓蛙鳴

栲栳山人詩集

四

露頂中庭坐披衣曲砌行
遙憐荷戈士觸熱入名城
蝙蝠

蠹爾不知賤高高亦戾天
飢惟掠蚊蚋飛不避鷹鷂
白晝身無措黃昏意自便
緬思讒佞輩與汝可周旋
沙縣小樓

半載客延平沙陽夢愈驚
蛩鳴深巷靜月昃半樓明
故國三千里歸途一月程
西風在庭樹絺綌不勝情

偶成

溽暑南州甚我來成感傷日長聊假寐夢短亦還鄉
水汲龍津淥茶烹鳳苑香長歌憶歸去屈指待清商

寄易禮翁

越客半年住閩溪千里流山高不碍夢日暮易爲愁
兄弟終相憶鄉閩非所憂何當先隴側同理釣魚舟
寄杜州鄉學讀書諸弟侄

時王敬助爲師

負笈少年志讀書無患貧聚螢時已邁映雪事當新
沉默東墟老淒涼江左賓興居便飲食德性藉陶甄

栲栳山人詩集

五

陋巷窮詩禮荒陬集薦紳緇衣心眷眷貝錦語諄諄
醴設穆生甑臺成樂毅親寧爲獯見笑勿以蠖求伸
喋喋羞同志栖栖憶故人鳥飛應擇木魚逝必驚綸
爆竹歲云暮椒盤日更春依然弦誦地童穉會比隣

送杜洲山長錮公輔

昭代文明治先儒理化行九疇皇極建萬象泰階平
一德乾坤正諸經日月明桂宮紛珮玦壁水集簪纓
丹穴生靈鳳滄溟出大鯨岷峨山鬱崱茗雪水澄泓

陸李甫全以下
實亂劉公輔詩
向殿山長詩內

兩地氣鍾秀百年人間生宣尼垂筆削文節闡家聲
孝友心無忝忠貞石可銘立言扶正學格論見深誠
之子諸孫行爲儒命世英棘闈初戰藝薇省卽揚名
虎榜斯高揭龍門忽下傾褐衣雖見錫黃卷愈研精
捧檄來東土携家住北瀛停舟先過我擁帚許相迎
講道無餘蘊論文得細評詞章漢宗正詩筆李長庚
禮展慈湖奠心搖徽國旌先公同竄謫後裔借尊榮
僑館甘藜藿芳洲采杜衡春風閒杖策夜雨短燈檠

考樵山人詩集

六

浮海瞻龍伏登臯聽鶴鳴三年書滿篋一旦計歸程
執手論交契持觴叙別情但期趨玉陛焉在遺金籬
旋舍斑衣舞歸舟綵帳輕庭闈心晏晏交友喜盈盈
待次還鄉舉超班復帝京捷音如我報莫俟鴈南征

送陳元剛巡檢葬親畢還烏江治所

鳳歷新頒朔椒盤尙獻春故人來遠道舊事憶比鄰
童子嘗遊釣先君辱誨諄妙年期奮迅中道適遭迍
處困寧東海觀光向北辰策勛精國語捧檄佐王臣

案牘需翻譯蠻荒賴警巡一官心未慊再世氣方振
有翁嗟淪落無家其苦辛南遊絕交廣東望極甌閩
天路飛揚澗家山感慨頻潯陽新閱閱携李舊宗烟
淺土雙親念浮生百歲身亟歸衝雨雪努力剪荆榛
馬鬣封猶古鵬程路轉新行看袍換綠莫歎髻如銀
折柳歌金縷看梅想玉人停杯心眷眷分袂禮彬彬
我已辜新渥君毋忘昔貧願持清白操隨地福斯民

送杜洲殷山長歸天台

栲栳山人詩集

七

殷肇土茫茫詩歌元鳥祥建邦思得姓易代復賓王
德澤流千古雲初徧四方深源還輔晉鄭國亦興唐
奕奕家聲遠綿綿世業長天台存舊譜地望著清光
教育文辭瞻漸磨道義彰移官杜洲曲開講林山傍
曉日臯比爨薰風絳帳涼青衿諸俊彥綵服兩兒郎
弟子堪懷楠先生實棟梁群飛迷薊薈駿足識康莊
歲月著書滿風雲際會良伏龍終偃蹇鳴鶴自翱翔
執友陳俱帳携家上小航錦囊詩匣蒼玉佩鏗鏘

壯志期高翥歸心馳故鄉赤城霞粲粲秀嶺日蒼蒼
巾子峯頭月瓊臺石上霜暫伸懷土樂爰整好遊裝
下捧薇垣檄上沾楓陛香公車應薦剡耆德必交章
不日看除目何時舉賀觴佳音如我寄魚雁在滄浪
七言律詩

危太樸以經筵檢討奉詔求故宋遺書作詩贈
之

宣文閣上危夫子日侍經筵眷遇優祗閱祕書供御
栲栳山人詩集

八

覽旁求遺籍贊皇猷瑯琊南渡終承晉昭烈西征亦
繼劉公論自存千載下聖人直筆在春秋

使星東下斗牛墟潛德幽光待發舒昭代追修三國
史詞臣來購四方書是非往事詢黃髮咫尺清光勸
玉除若問江淮今日政願陳弊法活樵漁

簡王東臯

劍光飛射斗牛寒應笑如今缺尚彈萬國楡航朝帝
闕百年禮樂付儒冠黃金用盡無顏色白髮交深見

肺肝重念蒲輪東魯客暮年名動漢朝端

送易直縣尹兄赴松溪

武夷山水最清佳路轉三衢未覺賒百里絃歌初作
宰一官琴鶴早辭家夜涼燈影連書屋溪近松聲雜
吏衙遙想政成閒暇日錦牋試墨品春茶

次鄭元秉陪劉同知謁子陵祠韻

畫舫秋江集縉紳公餘來弔故人魂子陵名節千年
墓文叔雲初百世孫高閣秋風生玉塵空山涼月墮
桤桤山人詩集
九
金尊獨慚老朽無由到只有新詩可其論

遊東山寺贈尉東岡

東山景物吾州稀蓮宮璀璨浮春輝過湖人騎白雪
馬待客僧立青苔磯花邊舉杯酒一斗石上解衣松
十圍最愛東岡老禪伯夜窻爲我談玄機

次葉敬常編修危太樸檢討東湖嘉澤廟倡和

詩韻

太史文章星斗光叢祠新製耀仙鄉兩賢嘉澤千年

在萬頃清風五月涼烟際樓臺澄曉色雨餘蘭芷發
天香經筵檢討臨川彥倡和尤聞感慨長

遣興

去年不死今年活直語半生人不禁老去謗書從滿
篋春來樂事總闕心觀魚濯足滄浪水聽鳥支筇楊
柳陰我已無心叫閭闔玉皇高拱紫雲深

重峰寺祈雨後柬李元善

塵尾高揮演大乘火雲不散愈峻嶒漫同三島吟詩

榜棹山人詩集

十

客閒訪重峰醉酒僧僧謂竺西翠竹陰移涼夢遠碧蓮香

散暮雲凝歸途未卽天瓢注猶有長風解鬱蒸

玉勒花驄達宦乘我惟兩脚步峻嶒山林不見休官

客雲水何如問道僧老鶴夢回清露滴佳人蹤杳碧

雲凝五旬不雨心如醉賴有新篇破溽蒸

送友

朝日當正彩鳳鳴秋風黃鵠共飛騰朝廷自召杜擘碧州澤宇在嚴子陵分母探水

赴姚江拜瞻

先考峰公遺像

上林故里日闕情何事
移家滯越城經歲言歸
惆悵甚暫瞻遺像逼清明

野服山中自寫真
卧雲閒散百年身
愧予五上長安道
猶爲浮名逐馬塵

東南栲栳一峯幽
登眺無端起暮愁
斷簡更從何處拾
未堪重訂續嘉州

栲栳山人詩集

附

十四世孫兆松

高人領得烟霞趣
不愛豪華愛寒素
山房閒秀石泉深知是
端居讀書處
憶昔花萼輝南樓
昆友翩翩鸞鳳儔
接翅翱翔雲漢表
簪花聞喜傾名流
聯桂聲華重山嶽
絲綸簡直奎章閣
紆青拖紫縮銀黃
宣布不少匡時畧
山人堅卧避元纒
唾涕富貴如浮雲
自矜志節闡名教
鄉曲不義恐傳聞
鄰家澠酒歡無度
盈耳笙歌非所慕

先生慨然曰各字窮微以
死名峯氏子特尚履德祖
皆不以爲生平其務長幼
自餘人皆感其言相與傳
之蓋隆天下遊賦作州郡
不能銘先生在世時德及
而與名其言者以疾病死
于正統年七月一日卒於
生年未嘗微福去德成我
亦若身汝也遺我志而有
于其身烟賦及皆其教者
謂兄弟子孫盡以我教爲
及今身病矣有其所幸矣
既而仇子男四人父佳文佳
文饒文佳成克服父訓本
克保先業而安於田里云
先生有疾時其故人子
宋公傳言其甚感而謂之
先生自謂必死遂滯泣拜
下與之水訣先生命文佳
已書修其居曰爲我子平
生大略于上使後世子孫觀之
而知各志所履有以念之也
之德受命而歸不敢爲
考其載一孝先生三州郡
乃至有可感者皆呼先生
江水上升栲栳而歸既而
生隱于斯世而死文字之
屬乃及鄉黨不才賤而主
內者何哉此三年不敢爲
文不敏死先生故也嗚呼
死生死而不死與隱而不
可隱者莫由于人手其
手由于人手故字先生
俗標

備作標字傳字更
遷姚江人故車名栲栳
修元史

沉經酣史取華腴詩成性癖驚人句懷古茫茫

咏十臺章華戲馬深低徊至今傳誦五百載詞

人猶自欽清裁

當代嚴海珊商寶意丁鶴泉諸公集內俱有和十臺懷古詩

天子右文振逸響積玉碎金咸羅網四庫旁收四卷

詩長留天地光泉壤

邵二雲太史云全集校入四庫全書

我來展

拜情自親積年思慕今始伸幅巾野服遂高尚

本來面目存其真

像係山人自畫幅巾野服惟現半身而已

祖功宗

德須當守流傳手澤等瓊玖栲栳岡巒萬古青

栲栳山人詩集

附

二

惟有山人同不朽

十五世孫鼎

讀

先栲峯公詩集有感成五古一章

姚江倡風雅首推菊澗翁繼者為誰氏蒼蒼栲

栳峯百年孕靈氣山人居其中肥遯樂吾道高

舉追喬松徵名堅不起身甘落寞終歌詩聊自

適寫此磊塊胸十臺懷往古三哀動悲風偶題

春睡圖垂戒長靡窮危公數酬倡宋老嘗推崇
府縣誌載公小傳序其詩者宋濂倡和者危素也 真本不可見屢遭兵

燹凶綿延十六世令我悲心恍梨洲曠世知搜

羅登逸詩秀野草堂選賞音發遐思一一俱諷

誦流傳寧盡茲錫山藏書家過訪公餘時忽覩

先人集借錄無靳辭校訂煩鉅手故物歸非遲

公詩集予得之無錫許氏藏書樓假歸錄出囑東陽葉栗齋進士校訂 燦爛數百

篇守此更奚疑奕世傳家珍寧誇竒書竒大半

榜松山人詩集

附

三

未曾見繙繹恒忘飢當時念子孫詩禮家聲遺

苟得殊可愧無官不須悲 公元日示姪輩詩云此心但願子孫賢詩

禮家聲勿令墜又自感云老成愧苟得童穉羞無官 味此詩中意立志休

自欺山人沒世名已足千載垂後起竟何如讀

詩增噫嘻

十六世孫振祖

